

مُشَاطِقَاتُ الْقُرْبَانِ

دائرة مخصوصه

درسعادتده باب عالی جوارنده

محل اداره :

اخطار :

مسلكمزه موافق آثار جديده مع المنوئيه
قبول اور انور

درج ابدلہ بن آثار اعاده اور انور

دیر، فلسفہ، علوم، حقوق، ادبیات، سیاسیات، و بالخاصہ کرب سیاسی و کرب اجتماعی و مدنی احوال و شئوہ اسلامیه و بہ بحث ایدر و ہفتہ درہ بر نشر اور انور.

آبونہ بدلی

صاحب و مؤسسلری :

درسعادتده نسخہ سی ۵۰ پارہ در

ابوالعلا زین العابدین - ح . اشرف ادیب

سنہ لکی الی آیلنی

قیرلہ دن مقوا بورو ایلہ کوندریلیرسہ سنوی
۲۰ غروش فضله آلنیر

تاریخ تأسیسی
۱۰ تموز ۳۲۴

ممالک عثمانیہ ایچون	۶۵	۳۵	غروش
روسیہ	»	۶۰	۳۰۵ روبلہ
سائر ممالک اجنبیہ	۱۷	۹	فرائق

عدد : ۹۳

۸ جمادی الآخر ۳۲۸ پنجشنبہ ۳ حزیران ۳۲۶

دردنجی جلد

ایلدیکمز کی اوروپا دولتری مدارس اسلامیہ یہ قبول ایچونک مستعد طلبہ لرنی ارسال و علوم و معارف اسلامیہ یی استحصالہ بذل ماحصل امکان ایلدیکده ایدی .

عاقبت مدینتک نتایج سیئہ سی اولہرق مسلمانلر رفاه و راحت حضارتہ الودہ و ذوق و سفاہتہ انہماک ایلہ عزملرینہ فترت و اعصابلرینہ رخاوت طاری اولہرق عراقده و اندلسده شوکت اسلامیہ یہ ضعف و فتور عارض و چیندن برسیل خر و شان کی ممالک اسلامیہ یی زیروز برایدن تاتارلر دولت عباسیہ یی مضمحل و بریشان و اندلس حکومت اسلامیہ سی دخی عین علت و مرض ایلہ محو و بی نشان اولمقده ایکن دول اسلامیہ نک ضعفندن بالاستفادہ فرصتی غنیمت بیلن اهل صلیب بالاتحاد والاتفاق سل سیف انتقام ایلہ شرقاً غرباً ممالک اسلامیہ یی استیلا و مسلمانلری طرف طرف قتل و افنا ایلدیکده اولدقلری صرہده ظهور ایدن قیلج ارسلانلر شیرکوهلر صلاح الدین لر ارطغرل لر بر آوچ سوارلر ایلہ اهل صلیبی تارومار و از سر نو شوکت و عظمت اسلامیہ یی احیا ایلدیکلری کی دودمان ال عثماندن نشئت ایدن قهرمانلر روما و یزانتن دولترینہ خاتمہ چکک رک مغبوط جهان اولان استانبولی فتح و پای تحت سلطنت اتحاد ایلدیکلری کی حدود عثمانیہ یی خلیج فارس و بحر عماندن ویانہ قاپولرینہ و آذربایجان طاغرلندن فاس حدودینہ ایصال ایلہ اورپا یی عصر لرجه تترشم و برزمان فرانسه قرانی حمایہ کی بر عافت جہانگیرانہ دہ بولنش اولدینی حالده و قتیله بر ایالت عثمانیہ دن معدود بولنان حکومت بالقانیہ و یونان حکومتی کی بر عثمانلی و یودہ سنک چین و جینینہ قارشوتیرل تیرل آریان حکومت صغیرہ نک الیوم تهدیدینہ معروض و اوروپا حمایہ سیلہ حوزہ ممالک اسلامیہ دن بالاخراج غصب ایلدیکلری ممالک وسیعہ عثمانیہ یی قناعت ایتیمہ رک ایکوز الی بیک شہیدک قبرستانی و عموم عالم اسلامک مطمح انظار امنیہ و امانیسی اولان کریدی بیلہ جسم دولندن قطع و بوضورتلہ وجود دولندہ ناقابل التیام بر جریحہ احدائیله بحر سفید سواحل عثمانیہ سنک تحت مخاطرہ یہ وضعی حقندہ کی مطامع یونانیہ ہر وجدان حمیت نشانی داغدار ایدہ جک احوال الیمہ دندر . بز نہ ایدک نہ اولدق ؟ ! عجبا بز او جہانگیر اجدادک احفادی او غضنفر غزاة جہادک اولادی دکلز ؟ اوقدیرت و شوکت نہ ایدی . بو عجز و مسکنت نہ در ؟ او غیرت و شطارت نہ ایدی بوقفور و عطالت نہ در ؟ او حماست و شجاعت نہ ایدی ؟ بو خوف و جہانت نہ در . قحط رجال می ؟ حاشا . قحط مال می ؟ حاشا . قحط معدات می ؟ حاشا . قحط مهمات می ؟ حاشا . فقط فقد اتحاد ، فقدان غیرت . بصرہ والی سابق ماردینی زادہ

محمد عارف

موسم مناسبیہ :

چو جقدر — کلکتر

کاغذخانہ

قابلامش نور اقسام بہار

چہرہ ابتہاج ماحضری . .

نہ کوزل بر طراوت سحارا

او قشیر انجذاب ایدن نظری .



اھتزاز ایلدیکہ ناز ایلہ ہب
چمنہ خندہ سربپور ازہار ...
قوشلر الحان دلنواز ایلہ ہب
شاطرانہ ثنا کذار بہار .



کونش آیینہ جالندہ
کوستروب شعلہ حلاوتی
دو کیور خا کہ نشہ حالندہ
نور فیض احتوائ صفوتی



منجلی بشقہ بر نہفتہ مال
اوچوشان خندہ لرلہ ہر یردہ
باقکیز ، ایشہ بر آلا ی اطفال
شویشیل وادی مزہردہ



طوبلیور — ذوق و شوقہ مستغرق --
کیمی اشکوفہ شکفتہ ، کیہ ..
فسنک قویمش اوستہ ، پیارق
کیمی سازلرلہ بر ظریف کلاہ .



ہب شطارت ایچندہ پویاندر
اوخ .. اونوباوہ حیات ! ... آنجق
برچو جقدر ، اوورد خنداندر
نچہ تمثال نوبہار اولہ جق .



نقدر خوش ، باقک ، نہ نشہ فزا
بر تماشا بوروحی جذب ایدہ جک !
چن اوستنبہ بر کشای صفا
کزیبور صانکہ برسوری کلک

تپہ دلنلی زادہ

کامل

حسبحال

بزم آدم اولہ بیامہ من ایچون چو جوقلریمزی اوقو تمقدن ، ایجاب عصرہ کورہ تربیہ ایتیمکدن باشقہ چارہ اولہ مایہ جغنی آ کلایان یا ہیچ یوقدر ، یاپک آذر . کندیمز ایستر اوقومش ، ایستر اوقومامش ؛ ایستر ای بر تربیہ کورمش ، ایستر کورمہمش اولہم .. آرتق ماضیہ قاریشمش صاییلہ جغمز ایچون ، بوکون دوشونہ جکمز برشی وارسہ اودہ استقبالدہ ، یعنی اولادلریمزدہ .

چو جوقلریمزہ کندی تربیہ مزی ویرمہ یہ قالقیشیرسہق جنایت ایشلہمش اولورز . حکمتی طوغرودن طوغرویہ پیغمبردن تلقی ایدن جناب علی دیورکہ : « جکر پارہ لریکزہ یالکر کندی تربیہ کزی

کیدر مهیه چالشهایمیکز . ایچه خاطریکزده اولسون که اونلر سزک یاشامقده اولدیغکز زماندن باشقه بر زمان ایچون یارادلمشدر .
ایچمزه حیات تحصیلتک نه آحیقلی بر صورتده کچوب کیتدیکنی تخطر ایدهمیه جک کیمسه واری؟ معلومات نامنه قفامنه طولدوردیغمز شیلردن نه استفاده ایتدک؟ دوشونیورمده سکز یاشنده از برله دیکم بر چوق عبارله لی انجق اوتوز سنه صوکره کلایه بیلدیکی کورو یورم! طبیعی اون اون بش یاشارنده ایکن او قودقلری می کلایه بیلمهیه عمرم مساعد اوله مایه جق !

عجبا هضم ایدهمیه جکی قدر قوتلی یمکارله خراب ایدیان معده کی ، بصورتله تمثیل ملکه سندن محروم قالان دماغه فطرتنده کی فبالیقی اعاده ایتک بوزوق بر جهاز هضمی پی تعمیر ایتیه بکزمی ؟ ممکن ایله محال مقایسه ایدیه بیلیری ؟

بوکون مینی چوققلر ایچون یازلدینی محررلی طرفندن روایت ایدیلن او یله قرائت کتابلری ، او یله فن رساله لری کورو یورم که اکلامق خصوصنده بن بیله صیقتی چکیورم ! پک اعلا ، بونلری بنم چوققلرم نصل آ کلایه جق ؟ خواجه لری نصل آ کلایه جق ؟ یتشمش آدمک او قویه جنی سیاسی بندلری چغتایچه یازده جقلرینه یتشه جک چوققلرک هجالی ، جکی رساله جکلری ترکجه یازسه لر آ ! محترم قارئلریمزک بر چوغی عائله صاحبدر . چوققلرینک افشام صباح مکتبه کورتوروب کتیردکلری کتابلری لطفاً بر کره کوزدن کچیر سینلر ؛ بر کرده چوققلره او قودقلری شیلری صورسونلر . کوره جکلر ، آ کلایه جقلر که او یچاره یاور جقلر هیچ برشی اکلامیورلر ؛ بیلرنده کی معلوماتی امانت پاره کی طاشیوب طورویورلر ! یازیق دکلی ؟ بز سرسم اولدق دییه چوققلریمز ده مطلقاً کندیغمزه می بکزمیلیز ؟ تفوقیاب عرفان ایله مک احفادی الزمدر ، حیت مسلماننده غیرت اجداد لازمه .

دیین ادیب اعظم نه طوغرو سوز سویله مشدر ! فکر عاجزانه مه کوره معارف نظارتنه مهم بروظیفه توجه ایدیور : ابتدائی ، رشدی ، اعدادی کتابلری مسابقهیه قویملی . لکن «معارف نظارتی حساب ، یاخود مثلاً علم حال ، قرائت ... کتابی یازدیرمق ایسته یور بونی اک کوزل یازانه شوقدر پاره ویردکن باشقه اثرینی بالعموم مکتبلره قبول ایدم جک ... » طرزنده وقوع بوله جق دعوته کیمسه اجابت ایتز . دوشونملی که کندنده بویله بر اقتدار کورده آدم ضعیف بر احتمال موفقییت ایچون آیلرجه ، احتمال که سنه لرجه چالشه جق . بزم مملکتده زنکی نلر یعنی کچینه جک قدر پاردسی اولانلر چالشه می عیب صایارلر ؛ یاشامق ایچون هر کون دیدیمک مجبوریتده بولنا نلرک ایسه قرق طراقدده سکسان بزى وارد که هیچ برینی بر اقوبده سزک مسابقه کزه کیریشه مزلر .

اوحالده نه یاملی ؟ .. اوت ، معارف نظارتی بالفرض ابتدائی مکتبلری ایچون قرائت کتابی یازدیرمق ایسته یور . بر موضوع انتخاب ایدرک مسابقهیه قویملی ، دیملی که : شوم موضوعی یدی سکز یاشنده کی

چوققلرک اکلایه جنی طرزده کیم اک کوزل یازده بیلیرسه اوکاشوقدر یازده مقابلنده سویله بر قرائت کتابی یازدیره جغز . حساب ایچون هندسه ایچون خلاصه بوتون فنلر ایچون عینی اصوله مراجعت ایتلی . یعنی مسابقهیه کیرمک ایسته یور ذوات اوفاق بر امتحان نتیجه سنده بواشک کندیلرینه تودیع اولنوب اولنمایه جنی اکلایه جق اولورلرسه البته بر تجربه طالعدن کری طورمازلر .

طبیعی هر فنه عائد موضوعلری تعیین ایتک ، مسابقهیه کیرنلرک یازدقلری اثرلری تمیز ایتک معارف نظارتنه عائددر . وطنک تعالیسی حقنده کی غیرت و فعالیت روح کزین فضیلتی کی بوتون مآثرنده تجلی ایدن امرالله افندی خواجه مزدن اک اول بکله دیکم برایش وارسه اوده بودر .

محمد عاکف

خطبه

— ۱۴ —

الحمد لله الذی جعل الهدی قهراً للعدی ومنعاً للردی و طرد للشیطان الرحیم الذمیم * الحمد لله الذی ارسل النبیین و جعل النبی الامین و هداه الی الصراط القوی القویوم * الحمد لله الذی من شاء اشقی و من شاء اسعد و ما اسعد الا فی رضاه العظیم * الحمد لله الذی لارب سواد و الهدی هداه و هورب الجمال و الجلال استغفره و اشهد ان لا اله الا الله عامل اهل الاساءة بالاحسان و الکرم و اشهد ان سیدنا محمداً من لاذ بدینه نجماً و نال مارجا و وقاه مولاه النعم * اللهم صل وسلم علی هذا النبی الوفی العالی اللهم * و علی آله و صحبه اهل الفضائل و الافضال = اما بعد فیا عبد الله = هل بعد هذه الخطب الطویلة العریضة اجد قلبک فی ظلمة الغفلة او اجد بعد القسوة لان هل بعد هذه الموبقات المهالکات اجد نفسک مازالت فیما کانت او اجدها دانت للملک الدیان * هل بعد هذه الاعراض الی هتکت و الآداب الی ترکت اجدک فی طاعة او اجدک فی عصیان * هل بعد اهل سنة خیر الوزی اجدک تعبر بما جرى او اجدک لا تزال فی اهل * لوکان الدین القویوم قائماً لکان کل معوج من الامور مستقیماً * لوکان الشرع الشریف یعمل به لما کثر شرب الخمر تضلیلاً و تأثیماً * لوکان الاسلام کما کان لرأیت غیره ذلیلاً ضیلاً * لوکان المسلمون فی یقظة لما صرفوا الاموال فی الضلال و نحن فی حاجة الی الاموال * یا ایها السامع الغافل تمسک بالذین یحفظک الله و لو طانک * هذا و الا فالعدو یاخذک و اولادک و عیالک * قم و ارفع همک نحو الدین و الوطن العزیز و حسن احوالک * اتق الله فالتقوی سلاح اهل الاصلاح و مجال ارباب الکمال روی الترمذی و ابن ماجه قال کان رسول الله (ص) یکرر ان یقول یا مقلب القلوب ثبت قلبی علی دینک فقلت یا نبی الله آمنا بک و بما جئت به فهل تخاف علینا قال نعم ان القلوب بین اصبعین من اصابع الله یقلبها کیف یشاء = صدق رسول الله

علی شیخ العرب